

# Վ Ա Ճ Ա Ռ Ա Կ Ա Ն

Թիֆլիսի առևտրական գազեր:

Հրատարակվում է շաբաթը մեկ անգամ կես թերթի, կիրակի օրերով: 10 տնային դրոշմ: Մարտից մինչև Յունիսը քաղաքում 2 ման. 50 կոպ., դուրսը 3 ման. թ:

ՇԱԲԱԹԱԿԱՆ ԹԵՐԹ  
(Ա.Ռ.Ա.ՋԻՆ ՏԱՐԻ)

Գաղթյալն ստորագրվել կարելի է խմբագրողի մոտ:  
Գաղթյալն հրատարակվելու կնիք ունի մասնավոր յայտարարություններ: Գների մասին կարելի է խմբագրատանը:

## ԲՈՎԱՆԴԱԿՈՒԹԻՒՆ

Վաճառականը 1867 թ. ին: Տեղություն կարգադրությունները: Թիֆլիսի քաղաքական կառավարությունից կանոնադրություններ: (շարունակություն): Չանաղան և առևտրական տեղեկություններ:

## „ՎԱՃԱՌԱԿԱՆԸ“ 1867 թ. ին:

Ինչպես հրատարակել էինք „Վաճառականի“, 30-դ. № ումը 1867 թ. ին „Վաճառականը“, կտարվի էնպիսի թերթերի վրայ, որ ամիսը հիմնական 4 կես թերթի տեղ չ-ից մինչև 6-ը լինի իր սեփականությամբ: Գալ տարվան ստորագրողները կստանան ձրիաբար „Վաճառականի քաղաքական“, որի մեջ ամիսական կլինին թե առևտրական վերաբերեալ գլխավոր դործածված բառերը և թե գլխավոր փողերի օրքանությունը: Ուսի փողի հետ համեմատելով: 1867 թ. ին „Վաճառականի“, մեջ կտարվին շարունակ ամեն նույն մերումը „Ուսաց տեղեկագրի ընկերությունից“, ստացած թե առևտրական և թե միւս հասարակական դործերին վերաբերեալ նոր համբաւները: „Վաճառականի“, գինը գալ տարի թե քաղաքում և թե դուրսը կլինի 3 մ. Գալ տարի „Վաճառականը“, կգործու գայ հինգ շաբթի օրերով: Հիմնականից ընդունվում է գալ տարվան ստորագրողները քաղաքում „Վաճառականի“, խմբագրողի և նրա գլխավոր դործ-

ակից պ. Ա. Երիցեանցի մոտ, նմանապես և գրավաճառ պ. Ա. Լեֆիաճեանցի գրատունը, իսկ օտար քաղաքացիները պէտք է դառնան ուղղակի „Վաճառականի“, իսկ բազմողին էս հասցեով „Վաճառականի“, խմբագրող Գեորգ Տեր-Աղէքսանդրեանցին Թիֆլիսում, իսկ Ռ. սերէն „Редактору Тифлисского Торгового листка Егору Тер-Александрову в Тифлисе“.

Ինչպես ենք 1867 թ. ի մեր գաղթյալն ստորագրվել ցանկացողներից, որ նրանք յայտեն իրանց ցանկությունը մեղ մինչև էս տարվան նոյեմբերի վերջը, որ կարողանանք ստորագրողների թիվ համեմատ կարգադրություն անել գալ տարվան համար:

## ՏԵՐՈՒԹԵՆԻ ԿԱՐԳԱՎՐՈՒԹԻՒՆՆԵՐ: Թիֆլիսի քաղաքական կառավարության կանոնադրություններ:

շարունակություն:

§ 25. Եթե բարեկարգող քաղաքական կառավարությունը անկանոն կամ իր իրավունքից դուրս կարգադրություն անել, իշխանությունից նշանակված անգամը պէտք է յայտնէ էդուր մասին բարեկարգող քաղաքական կառավարությունից նիստի ժամանակը լեղանացի և եթե նրա կարծիքը չընդունվի, էս

ժամանակը նա կարող է, եթե հարկաւոր համարէ, թղթով բողոքէ նրանց կարգադրությունի վրայ և մի և նոյն ժամանակը սլարտական է յայտնել էդուր մասին դաւառապետին:

§ 26. Բարեկարգող քաղաքական կառավարությունը կարողութիւն է անում պանաղան դատաստանատների և անձների հետ դաւառական և նահանգական դատաստանատների ընդհանուր կանոններով: (1857 թ. տարված II հատորի I. մասի ընդհանուր դաւառական կանոնադրությունի հիման վրայ): Իւտիցիայի միւստի և ձեռի տակն էլած անձները իշխանություն ունին բարեկարգող քաղաքական կառավարությունի վրայ էնպես, ինչպէս և միւս դատաստանատների վրայ:

§ 27. Բարեկարգող քաղաքական կառավարությունի վճիռների և կարգադրությունների վրայ մասնավոր մարդկանց դանդաղաները, որ բարձրագոյն իշխանությունից կախումն ունին, դաւառապետին է տվում, որն որ էս կանոնադրությունի 21-դ. §-ի մէջ ցոյց տված կանոնով է վարվում:

28. Բարեկարգող քաղաքական կառավարությունի մոտ գտնվում են՝ 1.) քաղաքական որբերի հոգաբարձությունը, 2.) աների կոմիսիան, 3.) առևտրական պրիցիան, 4.) տրնտեսական պրիցիան և 5.) առևտրի մի մերան:

Բացի էդ բարեկարգող քաղաքական կառավարությունի ձեռի տակն են գտնվում՝ 1.) երդուած բարեխղճ վկաներ կայքերի վեր դրելու և գին դնելու համար և 2.) երդուած քաղաքական գին դնողներ:

§ 29. Բաղաքական որբերի հոգաբարձությունը բաղկանում է նախագահ քաղաքագլխից, երկու անդամներից և քանադարից: Բաղաքական որբերի հոգաբարձությունը, որ պէտք է հիմնական որբերի դաւառանի տեղը բռնէ, ներդրում է 1855 թ. տարվել 24-ին

\* Տես Վաճառականի № 32:

հաստատված թիֆլիսի որբերի դատարանի կանոնադրութենի հիման վրայ և մի և նոյն ժամանակը որբերի դատարանի ընդհանուր կանոնադրութենով ձևանարկվելով:

§ 30. Քաղաքական որբերի հոգաբարձութիւնը վարում է առ հասարակ բոլոր քաղաքի բնակիչների որբերի և նրանց կայքերի գործերը, բաց ի ժառանգական աղնականների գործերը, որ ընդհանուր կանոնների հիման վրայ, աղնականների հոգաբարձութենին են պատկանում:

§ 31. Տների կոմիտեան բաղկանում է նախագահ քաղաքագլխից, քաղաքի բնակիչների երեք առաջին կարգի մարդկանցից ընտրած 6 անդամից, (§ 6.) ատենադպրից և հաշվապահից: Տների հարկերը պէտք է պահէ բարեկարգող քաղաքական կառավարութենի դանձապետը: Տների կոմիտեան առ ժամանակ հիմնական կանոններով է վարվում: Ընդհանուր քաղաքական ժողովը իրաւունք ունի յետոյ ներկայացնել իշխանութենին իր կարծիքները էդ կանոնները փոփոխելու տեղական պայմաններին և փորձելին նայելով:

§ 32. Առևտրական պոլիցիան վարվում է 1848 թ. յունվարի 24-ին Արևմտեան փոխարքայի հաստատված կանոնադրութենով: Առևտրական և փողոցի վերակացունքը զբաղվում են քաղաքագլխի նշանակված բարեկարգող քաղաքական կառավարութենի անդամներից մէկի իշխանութենի տակ:

§ 33. Տնտեսական պոլիցիան բաղկանում է՝ 1.) քաղաքական կոմիտեաներից, 2.) երդուած բարեխղճ վկաններից, որոնք դանդելու են կայքերի վեր գրելիս և դէ՞ դնելիս և 3.) քաղաքական երդուած գլին դնողներից: Էս անձների վրայ վերահասութիւն ունենալը յանձնվում է քաղաքագլխի ընտրութենով բարեկարգող քաղաքական կառավարութենի անդամներից մէկին: Էդ անդամի իշխանութենի տակ են անտեսական պոլիցիայի բոլոր պաշտօնակալները և պարտաւոր են սըրանք նրա բոլոր կարգադրութիւնները և հրամանները կատարելու: Եւ էդ անդամների հրամանները կարող է փոխել միայն քաղաքագլուէն, իր վիճի առնելով էդ բանի պատասխանատվութիւնը:

§ 34. Առեկցիօնի կամերան բաղկանում է կառավարողից և երդուած առեկցիօնիստներից: Սրանք ներգործում են Ս. Պետերբուրգի առեկցիօնի կամերայի համար տրված կանոնների հիման վրայ: (1857 թ. տրված X հատորի II մասի քաղաքական կանոնների 2181 յօդուածի յաւելումը:)

#### ԵՐԿՐՈՐԴ ԲԱՃԱՆՈՒՄՆ:

Մասնաւոր հոգաբարձութենները կառավարվում են իրանց չափերով:

§ 35. Ընտրվածների մասնաւոր ժողովները կազմվում են նախագահ ամեն կարգի մարդկանցից ընտրած գլխաւորից և քաղաքի բոլոր բնակիչների խաբքանչիւր կարգից ընտրվածներից 6-դ \$-ի հիման վրայ: Էս ժողովների գործավարութիւնը կատարում է ընդհանուր քաղաքական ժողովումը դանդաղ ատենադպրից: Բայց խաբքանչիւր մասնաւոր ժողովը իրաւունք ունի գաւառապետի համաձայնութենով ընտրել և առանձին գործավար:

§ 36. Խաբքանչիւր մասնաւոր ժողովը էն կարգի քաղաքի բնակիչների ներկայացնողներն են, որոնցից զրանք ընտրված են: Էս դուր համար էլ խաբքանչիւր մասնաւոր ժողովը քննում է միայն էն գործերը, որ վերաբերվում են էն կարգ բնակիչներին, որոնցից նրանք ընտրված են: Մասնաւոր ժողովները երկու տեսակ նպատակ ունին՝ 1.) իր կարգի մարդկանց վերաբերեալ գործերի քննելը և 2.) իրանց միջից ընդհանուր քաղաքական ժողովի համար որոշած անդամների և հասարակական կառավարութենի համար պաշտօնակալների ընտրելը:

Մասնաւոր ժողովի անդամները բնակիչների առաջին և երկրորդ կարգի մարդկանցից ընտրվածները (§ 6.), որոնք հարկերից ազատ են, ժողովվում են նշանակված ժամանակները իրանց միջից միայն ընդհանուր քաղաքական ժողովի համար անդամներ և քաղաքական հասարակական կառավարութենի համար պաշտօնակալներ ընտրելու համար:

§ 37. Մասնաւոր ժողովները իրանց գործերը քննելու համար նշանակվում են իրանց նիստերը իրանց գլխաւորների կարգադրութենով, էդուր մասին ամեն անգամ յայտնելով առաջուց քաղաքագլխին: Իսկ ընտրութիւնների համար և ուրիշ կարգից դուրս գլխաւորներումը մասնաւոր ժողովների նիստը նշանակվում է բարեկարգող քաղաքական կառավարութենի կարգադրութենով և գաւառապետի հաստատութենով:

§ 38. Մասնաւոր ժողովները կանոնաւոր են համարվում, երբ որ նիստի ժամանակը զբաղվում է ընտրվածների երրորդ մասը. իսկ հարկերի ցուցակին վերաբերեալ գործերը քննելիս, հասարակութենից ու և ից դուրս անելիս կամ ընդունելիս պէտք է գտնվի մասնաւոր ժողովների նիստումը ընտրուածների 2/3 մասը: Ժողով չեկողները պէտք է իմաց տան իրանց չգալու պատճառը իրանց

ժողովի գլխաւորին: Իսկ որոնք որ չեն իմաց տայ գլխաւորին իրանց չգալու մասին և օրինաւոր պատճառներ էլ չեն կարող ներկայացնել, կենթարկվին 1866 թ. տրված քրէական օրէնքների 1971 յօդուածումը նշանակված պատժին: (§ 9):

§ 39. Մասնաւոր ժողովների վճիռները, բաց ի ընտրութիւնների գործերին վերաբերեալները, որոնց մասին գրված է էս կանոնադրութենի երրորդ գլխումը, կանոնաւոր կհամարվին, եթէ ստորագրված լինին նիստումը դանդաղ 2/3 մասը ընտրվածների ձևով:

§ 40. Մասնաւոր ժողովները իրանց իրանց ոչինչ կարգադրութիւն չեն անում, այլ զբաղվում են միայն իրանց վճիռները և նրանց կատարումը յանձնում են իրանց կարգի բնակիչների կառավարութիւններին (составляют управу): Էդ բնակիչների ամեն կարգի կառավարութիւնները ներկայացնում են իշխանութենի հաստատելու վճիռները բարեկարգող հասարակական կառավարութենին և դա 15-դ § ումը նշանակած ձևով ներկայացնում է էդուր մասին գաւառապետին: Եթէ բնակիչների կարգերի կառավարութիւնները իշխանութենի չհաստատելու գործերի կատարելիս զժուարանան, էն ժամանակը նրանք ներկայացնում են էդուր մասին մասնաւոր ժողովին և եթէ դա հարկաւոր չհամարէ փոխել իր կարգադրութիւնը, էն ժամանակը բնակիչների կարգի կառավարութիւնը ներկայացնում է էդուր մասին բարեկարգող քաղաքական կառավարութենին, որն որ ներկայացնում է յետոյ իշխանութենին էդ գործերը 15-դ § ումը նշանակված կարգով:

§ 41. Բնակիչների կարգերի կառավարութիւնները երկու են՝ մէկը քաղաքի երրորդ կարգի բնակիչների գործերի համար և երկրորդը քաղաքի չորրորդ կարգի բնակիչների գործերի քննելու (§ 6.): Խաբքանչիւր էդպիսի կառավարութիւնը բաղկանում է նախագահ—գլխաւորից, վեց անդամներից, որոնք ընտրվում են մասնաւոր ժողովներում և երկու ատենակալներից, որոնք ընտրվում են թիֆլիսումը բնակվող օտար քաղաքացի և օտար ազգի վաճառականներից: Քաղաքացոյ, այս ինքն մեքալաքների և ախալցխոսների գործերի համար նշանակված կառավարութիւնը կոչվում է՝ Առաջին բնակիչների կարգի կառավարութիւն: Իսկ հարկատու բնակիչների և քաղաքումը անչարժ կայք չունեցողների գործերի համար նշանակված կառավարութիւնը կոչվում է՝



կարգը իրաւունք ունի հասարակական պաշտօնակալ ընտրելու նրանց, որոնք բնակիչների թւումն են և ընտրութենի իրաւունք ունին:

բ. Քաղաքի բնակիչներից ոչ մէկը, բայց ի նրանց, որոնք առանձին կանոնադրութեամբ հասարակական ծառայութիւններից ազատ են, իրաւունք չունի հասարակական պաշտօն ընդունելուց հրաժարվելու, առանց օրինաւոր և հաստատ պատճառների, օրինակ՝ թաղաւորական ծառայութենի, սատարիկ հիւանդութենի և ծերութենի պատճառով:

գ. Եթէ մէկը առաջին անգամ որ և իցէ պաշտօնակատար ընտրվի էնպիսի ժամանակը, երբ որ նա առեւտրական կամ ընտանեկան գործերի պատճառով հարկաւորութիւն ունենայ քաղաքից դուրս գնալու, կարող է, իր ընտրող բնակիչների կարգի առանձին կարգադրութեամբ, ազատվել ծառայութենից:

դ. Ովոր ընտրութենով բարձր պաշտօն է վարել որչափ ժամանակ, նա կարող է ստորին պաշտօնի ընդունելուց հրաժարվել:

ե. Նա, որը որ առանց վերոյիշեալ պատճառների կհրաժարվի ընտրութենով պաշտօնի ընդունելուց, նա կպատժվի 1866 թ. տպված քրէական կանոնադրութենի 1438 յօդուածի հիման վրայ:

զ. Չի կարելի ընտրել մի և նոյն տեղումը ծառայելու կամ էնպիսի պաշտօնի մէջ ծառայելու, որ մէկը միւսից կախումն ունենայ՝ հօրը որդու հետ, աներօջը փեսայի հետ, եղբայրներին եղբօր որդեկրանց կամ քրոջ որդեկրանց հետ:

է. Ոչ մէկ պաշտօնի համար չեն կարող ընտրվիլ հողւորականները:

ը. Էս պայմանների կատարելիս, ընտրվածների ժողովը կարող է հասարակական կառավարութենի համար իր անդամներից պաշտօնակալներ ընտրէ, էս ժամանակը էդպիսի ընտրվածները մի և նոյն ժամանակը ընտրվածի կոչումն էլ պահպանում են:

և թ. Ընդհանուր քաղաքական ժողովի և բարեկարգող քաղաքական կառավարութենի ատենադպիրները և միւս ուժիկ ըստացող պաշտօնակալները կարող են քաղաքում անշարժ կայք ու արդիւնք չունենալ:

§ 58. Ամեն պաշտօնի համար ընտրվում է նմանապէս և կանդիդատ, որ նա հաստատված պաշտօնակալի հիւանդութենի կամ բացակայութենի ժամանակը կատարէ նրա պաշտօնը: Ինչպէս առաջինը, նմանապէս և երկրորդը մի և նոյն ժամանակն են հաստատվում իշխանութենի ձեռով:

Ծ ա ն օ թ ու թ իւ ն: Էս կանոնի զօրութիւնը չէ տարածվում ընտրվածների վրայ, որոնք պաշտօնակալ չեն համարվում: § 59. Թաղաւորական ծառայութիւնումը զբաղւածները կարող են իրանց ծառայութիւնը չթողած քաղաքական հասարակական պաշտօններ ունենալ, եթէ նրանց զիտաւորները համաձայն լինին էդ բանին:

(կշարունակվի)

ՁԱՆԱԶԱՆ ՏԵՂԵԿՈՒԹԻՒՆՆԵՐ:

ԴԱԴՄԱՐԱՅԻ ՄԱՍԻՆ: Պետերբուրգից գեպելայով գրում են, որ հոկտեմբերի 12-ին պէտք է կատարվի էնտեղ Պրինցեսսա Ռադմարայի սուրբ մեռնումը օծելը, իսկ 13-ին Ն. Կ. Բ. Թաղաւոր Ժառանգի Պրինցեսսա Ռադմարայի հետ նշանադրութիւնը:

ԱՌԵՏՐԱԿԱՆ ՏԵՂԵԿՈՒԹԻՒՆՆԵՐ:

Լիւերպուլ հոկտեմբերի 1:

Էսօր 20,000 հակ բամբակ ծախվեցաւ էստեղ: Ամերիկայի միջակ տեսակը 15 1/4 պէնս: Թէպէտ սեպտեմբերի վերջին բամբակի գները սկսել էին յաճանալ, բայց հիմի նորից բարձրանում են:

Պետերբուրգ հոկտեմբերի 4:

Կուրսը Լոնդոնի վրայ 30 1/2 պէնս: Պարիժի վրայ . . . 320 սանտիմ: 5% Լատարեյով առաջին փոխառութենի տոմսակները 11 1/2 մանէթ: — Երկրորդինը 107 մանէթ: Ոսկին . . . 6 ժ 27 կ.

Մոսկով սեպտեմբերի 25:

Շաքարի գինը . . . 9 ժ: Նուխայ բարձր տեսակ թելը 350 ժ: — Ստորին տեսակը . . . 315 ժ: Պարսկաստանի բամբակը . . . 15 ժ: Կովկասեան տորոնը . . . 6 ժ: Բենգալիայի բարձր տեսակ լեղակը . . . 150 ժ:

Եւփայի լեղակը . . . 155 ժ: Սաէարենի մամը . . . 10 ժ 75 կ.

Թիֆլիս հոկտեմբերի 22:

Շաքարը Յրանխացոյց 10 ժ 20 կ. — Ռսինը . . . 10 ժ 80 կ. Սրժաթը 84% . . . 260 ժ: — 72% . . . 80 ժ: Ոսկին . . . 6 ժ 90 կ.

ՄԱՍՆԱԻՈՐ ՅԱՅՏԱՐԱՐՈՒԹԻՒՆՆԵՐ:

Թիֆլիսի Բէալեան գիմնազիայումը պ. Ս. Վարդանեսանցի գրատանը ծախվում են ամեն տեսակ ուսուցչին թէ դասական գրքեր և թէ ուրիշ ուսումնական և գրականական հեղինակութիւններ:

Թիֆլիսումը գրավաճառ Ա. Լեֆիաճեսանցի մագաղինումը, Բէալեան գիմնազիայումը պ. Ս. Վարդանեսանցի մօտ և «Վաճառականի» խմբագրատանը ծախվում է էս 1866 թւին տըպված Գ. Տ. Ա.-ի և Ա. Ե.-ի աշխատասիրած «ԸՆԹԵՐՅԱՐԱՆ ԵՐԵՒԱՆԵՐԻ ՀԱՄԱՐ» ամ.ունով գիրքը հատով 40 կոպեկով, իսկ գումարով 35 կոպեկով:

Գրավաճառ պ. Ի. Տէր Միքայէլեանցի մագաղինումը ծախվում է 1860 թւին տըպված Գ. Տ. Ա.-ի, Ա. Ե.-ի և նրանց ընկերների աշխատասիրած «ԲԱՐՈՅԱԿԱՆ ՊԱՏՄՈՒԹԻՒՆՔ» անունով երեխաների կարգալու գիրքը հատով 15 կոպեկով, իսկ գումարով 12 կոպեկով: